

中華名勝古蹟目錄

第五編 陝西

一 西安……………一一五

終南山 馬嵬坡 阿房宮 灞橋 柏梁臺 鴻門亭 杜曲 韋曲 輞川別墅

香積寺

二 乾州……………五一七

梁山 五丈原 壤鄉 綠野亭

三 鳳翔……………七一〇

陳倉山 九成宮 懷賢閣 喜雨亭

四 邠州……………一〇一一

蒲里谷 石門山 幽亭 通天臺

中華名勝古蹟 第五編 目錄

五 鄜州……………一二一—一三

石堂山 芝蘭谷 八面樓 杜甫草堂

六 同州……………一三一—一五

太華山 希夷峽 莘野 齊雲樓

七 商州……………一五一—一七

商山 武關 王陵城 望軍臺

八 漢中……………一七一—二三

孤雲山 七盤嶺 定軍山 棧道 陳倉道 韓信壇 八陣圖 武侯墓

九 興安……………二二一—二三

十八盤山 禹穴 聖公館 綺川亭

十 延安……………二三一—二五

嘉嶺山 玉蓮池 萬佛洞 飛蓋園

十一 綏德……………二五—二六

烽臺山 鳴咽泉 月兒臺 种公井

十二 榆林……………二六—二八

契吳山 紅山墩 范老關 百花塢 榆塞 邊牆

中華名勝古蹟 第五編 目錄

中華名勝古蹟

第五編 陝西

一 西安

西安爲周秦漢晉隋唐之所都也。地介於南北兩山之間。跨渭水而帶涇水。左據藍田關。前當子午道。表裏山河。四塞險固。城周四十里。有內外二城。據曲江之西北隅。

終南山

終南山在西安城南五十里。盧藏用隱居山中。有意當世。時人目爲隨駕隱士。承禎司馬嘗召至闕下。將還山。藏用指終南曰。此中大有嘉處。承禎徐曰。以僕視之。特仕宦之捷徑耳。藏用大慙。

馬嵬坡

馬嵬坡在興平縣西二十五里。唐明皇避安祿山之亂。西幸至此。將士飢疲。皆憤怒。陳元禮等以禍由楊國忠。嗾軍士誅國忠。既誅國忠。軍仍不解。帝使高力士問故。曰。禍本尙在。意蓋指貴妃也。帝不得已。與妃泣訣。引而去。繇路祠下。以紫茵裹尸。瘞於坡下。

阿房宮

阿房宮在咸陽縣東。秦始皇築。背負驪山。面臨大川。崇樓高閣。窮侈極靡。竭民力以供逸樂。唐杜牧有阿房宮賦云。六王畢。四海一。蜀山兀。阿房出。覆壓三百餘里。隔離天日。驪山北構而西折。直走咸陽。二川溶溶。流入宮牆。五步一樓。十步一閣。廊腰縵迴。簷牙高啄。各抱地勢。鉤心鬪角。盤盤焉。囷囷焉。蜂房水渦。蠹不知其幾千萬落。長橋臥波。未雲何龍。複道行空。不霽何虹。高低冥迷。不知西東。歌臺煖響。春光融融。舞殿冷袖。風雨淒淒。一日之內。一宮之間。而氣候不齊。

灞橋

灞橋在咸寧縣東二十五里。漢時送行者多至此折柳贈別。故時人呼之爲銷魂橋。

柏梁臺

柏梁臺在長安縣西北故城內。漢武帝建。以香柏爲之。詔羣臣能賦七言詩者。乃賜上坐。

鴻門亭

鴻門亭在渭南縣東。沛公見項王。因留與飲。項莊拔劍起舞。意常在沛公。樊噲帶劍擁盾入。瞋目視項王。頭髮上指。目眦盡張。項王稱爲壯士。賜以卮酒。彘肩。沛公因得脫身。

杜曲

杜曲在咸寧縣南。唐杜佑別墅。佑歷事德宗憲宗兩朝。以功封岐國公。平居

嗜學。雖貴。猶夜半讀書。年老致仕。與昆仲時賢。遊詠其間。以娛暮景。

韋曲

韋曲在咸寧縣南杜曲西。唐韋安石之別業。有林泉花竹之勝。爲士人行樂之地。唐時韋杜二氏俱顯仕。時人語之曰。城南韋杜。去天尺五。

輞川別墅

輞川別墅在藍田縣西。爲唐王維所居。中有畝湖。柳浪。華子岡。茱萸泮。辛夷塢。竹里館。諸勝。維字摩詰。九歲知屬辭。開元九年擢進士第一。遷尙書右丞。工草隸書畫。名盛於天寶間。甯薛諸王。時若師友。營別墅於輞川。嘗與裴迪宴遊其中。賦詩以爲樂。其詩清麗秀逸。摹寫景物。栩栩欲活。故世稱摩詰詩中有畫。摩詰性好山水之樂。有遺裴迪書云。近獵月下。風氣初暢。北涉玄灞。清月映郭。夜登華子岡。輞水淪漣。與月上下。寒山遠火。明滅林外。深巷寒犬。吠聲如豹。村墟夜春。復與疏鐘相聞。僮僕靜默。因憶曩昔携手賦詩。步仄徑。

臨清流。興尤爲之騷然。

香積寺

香積寺在長安縣南三十里。今皇甫村有開利寺。卽其遺址。王摩詰有過香積寺詩云。不知香積寺。數里入雲峯。古木無人徑。深山何處鐘。泉聲咽危石。日色冷青松。薄暮空潭曲。安禪制毒龍。

一一 乾州

乾州在西安府之西北。秦爲內史地。漢爲池陽縣。晉屬扶風郡。後魏爲甯羸縣。隋改醴泉。唐置乾州。南臨渭水。北帶涇水。據有梁山漠谷之險。州城瀕於漠谷水東岸。

梁山

梁山在乾州北三十里。昔太王去邠。踰梁山。卽此。韓城縣西北。亦有梁山。非太王所踰者。

五丈原

五丈原在武功縣北。蜀漢諸葛武侯率師代魏。出斜谷道。以流馬運糧。屯於五丈原。與司馬懿對壘於渭南。武侯屢出師。因糧不繼。使已志不克伸。乃以分兵屯田。爲久駐之計。耕者雜於渭濱居民之間。而百姓安堵。軍無私焉。相持百餘日。武侯疾病卒於軍。諸軍遵其遺命而退。司馬懿按行其營壘處。曰：天下奇才也。

壞鄉

壞鄉在武功縣東南。漢曹參圍好畤。取壞鄉。卽此。今武功縣東南有高壞鄉是也。

綠野亭

綠野亭在武功縣南。亭外平野曠遼。萬綠幽叢。宋張載講學之所。明改爲書院。載字子厚。少喜談兵。以書謁范仲淹。仲淹曰：儒者自有名教可樂。何事於

兵。因勸之讀中庸。載讀其書。猶以爲未足。嘗坐虎皮講易。聽者甚衆。一日。程顥程頤至。與論易。次日。載語人曰。二程深明易道。汝往師之。遂撤坐。輟講。爲政以敦本善俗爲先。神宗召見之。問治道。載對曰。爲政不法三代者。終苟道也。帝悅。以爲崇文校書。未幾。屏居南山下。終日危坐一室。左右簡編。仰而讀。俯而思。有得則識之。或中夜起坐。取燭以書。與諸生講學。每告以知禮成性。變化氣質之道。學必如聖人而後已。世稱載爲橫渠先生。所著有東西銘行世。

三 鳳翔

鳳翔城瀕於雍水西岸。在乾州之西。地據汧岐二山之間。南憑太白。汧渭二水縱橫貫注其中。散關橫其南。隴坻阻其北。四圍高峻。中央平坦。卽詩大雅所謂周原膺膺是也。

陳倉山

陳倉山在雞寶縣東南。三峯並峙。爲一邑之勝。相傳昔時山有石雞。晨鳴山頭。聲聞數里。

九成宮

九成宮在麟遊縣西。本隋仁壽宮舊址。唐貞觀間。太宗修之以避暑。因改爲今名。杜甫有詩云。蒼山入百里。崖斷如杵臼。曾宮憑風迴。岌巖土囊口。立神扶棟梁。鑿翠開戶牖。其陽產靈芝。其陰宿牛斗。紛披長松倒。揭礧怪石走。哀猿啼一聲。客淚迸林藪。荒哉隋家帝。製此今頽朽。向使國不亡。焉爲巨唐有。雖無新增修。尙置官居守。巡非瑤水遠。跡是雕牆後。我行屬時危。仰望嗟歎久。天王守太白。駐馬更搔首。

懷賢閣

懷賢閣在郿縣西南蟠龍寺內。南直斜谷。西臨五丈原。舊有邸閣。爲蜀漢諸葛武侯出師。儲軍糧之處。後人因其遺蹟。築閣名曰懷賢。宋蘇軾曾咏詩以

懷其事。詩云。南望斜谷口。三山如犬牙。西觀五丈原。鬱屈如長蛇。有懷諸葛公。萬騎出漢巴。吏士寂如水。蕭蕭聞馬搗。公才與曹丕。豈止十倍加。顧瞻三輔間。勢若風沙捲。一朝長里墜。竟使蜀婦髻。山僧豈知此。一室老煙霞。往事逐雲散。故山依渭斜。客來空弔古。清淚落悲笳。

喜雨亭

喜雨亭在鳳翔縣城東北隅。宋蘇軾判鳳翔時所建。歲大旱。亭成適雨。故名。軾自記之曰。亭以雨名。志喜也。古者有喜則以名物。示不忘也。周公得禾。以名其書。漢武得鼎。以名其年。叔孫勝敵。以名其子。其喜之大小不齊。其示不忘一也。予至扶風之明年。始治官舍。爲亭於堂之北。而鑿池其南。引流種樹。以爲休息之所。是歲之春。雨麥於岐山之陽。其占爲有年。旣而彌月不雨。民方以爲憂。越三月乙卯。乃雨。甲子又雨。民以爲未足。丁卯大雨。三日乃止。官吏相與慶於庭。商賈相與歌於市。農夫相與忭於野。憂者以喜。病者以愈。而

吾亭適成。於是置酒於亭上。以屬客而告之曰。五日不雨可乎。曰。五日不雨則無麥。十日不雨可乎。曰。十日不雨則無禾。無麥無禾。歲且薦饑。訟獄繁興。而盜賊滋熾。則吾與二三子。雖欲優游以樂此亭。其可得耶。今天不遺斯民。始旱而賜之以雨。使吾與二三子。得相與優游而樂於此亭者。皆雨之賜也。其又可忘耶。既以名亭。又從而歌之曰。使天而雨珠。寒者不得以爲襦。使天而雨玉。饑者不得以爲粟。一雨三日。伊誰之力。民曰太守。太守不有。歸之天子。天子曰不然。歸之造物。造物不自以爲功。歸之太空。太空冥冥。不可得而名。吾以名吾亭。

四 邠州

邠州。古之豳國也。公劉立國於此。周時屬秦。後漢置新平郡。後魏置豳州。唐開元年間。改爲邠州。在乾州之北。地勢高平。涇水斜貫其間。東據石門山。其城南倚邠巖。北瀕涇水。號稱險固。

蒲里谷

蒲里谷在邠州東七里。一名蒲澤谷。相傳宋潘大臨讀書處。泉流環繞如帶。石洞尙存。大臨字邠老。與弟大觀皆有詩名。蘇軾、黃庭堅、張耒均與友善。山谷嘗稱曰：天下奇才。謝無逸嘗問有新詩否。邠老曰：秋來景物件件是佳句。

石門山

石門山在三水縣東。接淳化縣北境。山峯夾立。高峻插天。對峙如門。雄壯秀麗。爲羣山冠。

幽亭

幽亭在三水縣東古幽原上。亭建築極古。背倚城隅。面臨湖水。極目平原。風景幽雅。

通天臺

通天臺在淳化縣西北甘泉宮中。漢武帝築。方士公孫卿言仙人好樓居。武

帝乃作通天臺。臺上有承露盤。仙人掌擎玉杯。以承雲表之露。

五 鄜州

鄜州春秋時白翟地也。秦屬上郡。漢爲鄜縣。北魏爲東秦州。西魏爲敷州。隋置鄜城郡。唐改爲鄜州。州城瀕於洛川西岸。在西安之北。西控子午山。洛水縱貫其間。

石堂山

石堂山在中部縣西北。一名翟道山。周穆王駕八駿南征朔野。徑絕翟道。卽此處也。

芝蘭谷

芝蘭谷在宜君縣西五十里。谷中多產蘭草。每當季春之月。芬馥襲人。蘭蒔者往覓異種。

八面樓

八面樓在中部縣南二里。樓式作八角形。俱開窗牖。人登其上。可以望遠。極雲山縹渺之觀。

杜甫草堂

杜甫草堂在鄜州南六十里。相傳杜甫避難。嘗寓於此。卽華池、黑源、洛水、三川會合地。

六 同州

同州在西安府之東北。南踐華岳。北負龍門。左帶黃河。中貫洛川。渭水挾洛以入河。當三巨川交會之地。東扼潼關之險。前恃函谷之固。賈誼所謂踐華爲城。因河爲池者此也。

太華山

太華山在華陰縣南。卽西嶽也。山峯峭立。高五千仞。其最著者曰蓮花、明星、玉女三峯。而以落雁峯爲最高。李白曾登其上。曰：此處呼吸之氣。想通帝座。

恨不携謝眺驚人詩來搔首問青天爾。

希夷峽

希夷峽在太華山上。爲陳希夷骨蛻處。陳搏嘗隱居山中雲臺觀。太宗賜號希夷先生。希夷峽在太華山蓮花峯下。爲陳希夷骨處。五代末。陳搏隱居華山。寢處百餘日不起。嘗乘白驢欲入汴京。中途聞宋太祖登極。大笑墮驢曰。天下自此定矣。太宗召之。以羽服見於延英殿。宋琪問修養之道。搏曰。假令白日昇天。何益於世。今君臣同德。興化勤行。修煉無出於此。帝益重之。賜號希夷先生。又自號扶搖子。方四歲時。戲澗水側。有青衣嫗抱置懷中。乳之。聰悟日甚。初入武當山。辟穀煉氣二十餘年。徙居華山雲台觀。後太宗復召之。辭曰。九重仙詔。休教丹鳳銜來。一片野心。已被白雲留住。端拱初。命其弟子張超鑿石爲室。化形蓮花峯下。

莘野

莘野在郃陽縣南。昔伊尹耕於有莘之野。卽此處。今其地亦名伊原。其北有伊尹墓。伊尹耕於莘野。湯以幣三聘之。遂幡然而起。輔相湯王。時夏桀無道。湯事之以誠。冀桀用賢以治。乃薦伊尹於朝。尹既適夏。聞夏人飲。醉者與不醉者相持。相和而歌曰。盍歸乎亳。盍歸乎亳。亳亦大矣。尹退而間居。靜聽歌聲。又曰。覺兮較兮。吾大命格兮。去不善而就善。何樂兮。伊尹知民心歸湯。夏桀終不可匡輔。乃歸亳。佐湯伐夏。救民以天下爲己任。一夫不獲其所。曰時予之辜。成湯崩。殂。尹輔相太甲。太甲不道。遷於桐宮。使之處仁思義。卒成令主。孟子曰。伊尹聖之任者也。諒哉言乎。

齊雲樓

齊雲樓在華州城內。唐昭宗與學士親王登其上。西望長安。令樂工唱御製菩薩蠻詞。

七 商州

商州本契始封地。春秋時屬晉。後屬秦。爲商鞅食邑。漢置上洛縣。晉爲涇陽南郡。北魏置洛州。後周改爲商州。西北負秦嶺。東南包商洛。據洛水丹江之上游。左扼武關。右擁藍關。在西安府東南。

商山

商山在商州東南。一名地肺山。亦名楚山。岡巒險阻。林壑深邃。周四皓避秦隱居於此。漢高祖既定天下。聞商山有四皓。曰東園公、綺里季、夏黃公、角里先生。皆周代賢人。屢使人召之不至。心常慕焉。後高祖以太子仁弱。欲廢之。呂后憂之。請計於留侯。命太子卑辭東帛。致禮安車。迎而致之。四皓果就聘。從太子游。太子復引之見高祖。極致敬誠。高祖大悅。太子得以爲重。遂用自安。

武關

武關在商州東。其地三百里間。山谷崎嶇。車不方軌。漢高祖伐秦。曾攻其關。

而入之焉。

王陵城

王陵城在商州南丹水之旁。亦名三戶城。昔漢高祖入關。王陵率兵從之。城爲陵所築。王陵始爲縣豪。高祖微時。以兄事之。及高祖起沛。陵聚衆數千屬焉。項羽執陵母。置軍中。欲以招陵。陵使至。陵私送母。使者泣曰。幸爲妾語陵。善事漢王。漢王長者。終得天下。毋以老妾故。持二心。遂伏劍而死。陵仇項益甚。及天下既定。以功封安國侯。

望軍臺

望軍臺在商南縣東十五里。其地有墩臺遺蹟。世傳漢高祖入關時。於此覘望軍容。

八 漢中

漢中在鳳翔府之南。居秦嶺巴山之間。漢水橫貫其中央。西漢水縱貫其西。

部。右據嶓冢山。左扼嶢風關。其入關之道有三。東曰子午。自午口達子口。谷長六百六十里。中曰儻駱。谷長四百二十里。西曰褒斜。谷長四百七十里。入蜀之道亦有三。卽米倉道。金牛道。陰平道。是也。今日驛道。自西安通漢中。取古褒斜道。謂之北棧。自漢中通蜀。取金牛道。謂之南棧。

孤雲山

孤雲山在褒城縣南。與兩角山相距咫尺。漢中人語云。孤雲兩角。去天一握。言其高也。

七盤嶺

七盤嶺在褒城縣北。自山脚上行。旋轉七盤。方至山巔。由此入連雲棧。最爲險峻。

定軍山

定軍山在沔縣東南。蜀漢先主自陽平南渡沔水。於定軍山依勢作營。夏侯

淵率兵來爭。先主命黃忠乘高攻之。斬淵。遂有漢中。

棧道

棧道卽閣道也。在褒斜二谷之間者。舊有棧閣二千九百八十九間。俗所謂千梁無柱者也。昔諸葛武侯與其兄瑾書曰。前趙子龍退軍。燒赤壤崖以北閣道。緣谷一百餘里。其閣梁一道入山腹。一頭立柱於水中。今水大急。不得立柱耳。從武侯卒於五丈原。魏延先退而燒之。自後修舊路者。悉無復水中柱矣。經涉者浮梁振動。無不搖心蕩目。

陳倉道

陳倉道在沔縣東北。漢韓信明修棧道。暗渡陳倉。卽此。蜀漢諸葛武侯出散關。圍陳倉。魏將曹真拒之。糧盡而還。魏將王雙來追。武侯以伏兵斬之。

韓信壇

韓信壇在城固縣北。前臨鞏水。水北有韓信臺。昔漢高祖築壇。拜韓信爲大

將於此。韓信少時家貧。聞項梁渡淮。仗劍從之。後數以策干項羽。羽不能用。亡歸漢。未知名。坐法當斬。其輩皆已斬。次至信。信仰視。適見滕公曰。上不欲就天下乎。何爲斬壯士。滕公奇其言。壯其貌。釋不斬。與語說之。言於王。王亦未之奇也。信數與蕭何語。何奇之。漢王至南鄭。將士皆歌謳思歸。多道亡者。信度何等已數言於王。王不我用。亦亡去。何知之不及以聞。自追之人。言於王曰。丞相何亡。王怒如失左右手。居一二日。何來謁。王罵曰。若亡何也。曰。臣不敢亡。追亡者耳。王曰。所追者誰。曰。韓信也。王復罵曰。諸將亡者以十數。公無所追。追信詐也。何曰。諸將易得。如信國士無雙。王如欲長王漢中。無所事信。必欲爭天下。非信無足與計事者。顧王策安決耳。王曰。吾亦欲東耳。安能鬱鬱久居此乎。於是王欲召信拜大將。何曰。王素慢無禮。今拜大將。如呼小兒。此信之所以亡也。必欲拜之。擇日齋戒。設壇具禮。乃可耳。王許之。諸將聞而喜之。人人自以爲得大將。及登壇禮拜。乃韓信也。一軍皆驚。禮畢上坐。王

曰。丞相數言將軍。將軍何以教寡人乎。信辭謝。因曰。大王自料勇悍仁強。孰與項王。王默然良久。曰。不如也。信再拜賀曰。惟信亦以爲大王不如也。然臣嘗事項王。請言項王之爲人也。項王暗噉叱咤。千人皆廢。然不能任屬賢相。此匹夫之勇耳。見人慈愛。言語嘔嘔。至人有功。當封爵者。印剗敝。忍不能予。此婦人之仁也。雖霸天下。不居關中。而都彭城。逐義帝。置江南。所過殘滅。民不親附。名雖爲霸。實失天下心。故其強易弱。今大王誠能反其道。任天下武勇。何所不誅。以天下城邑封功臣。何所不服。以義兵從。思東歸之士。何所不散。且三秦王。將秦子弟數歲。所殺亡不可勝計。又欺其衆降諸侯。及項王坑秦卒。惟此三人得脫。秦父兄怨之。痛入骨髓。而楚強以威王之大王入關。秋毫無所害。除秦苛法。於諸侯之約。又當王關中。而失職入漢中。秦民無不恨者。今舉而東。三秦可傳檄而定也。漢王大喜。自以爲得信晚。

八陣圖

八陣圖在沔縣東南。諸葛武侯作圖列八陣。聚細石爲之。各六十四聚。又有二十四聚。作兩層。每層各十二聚。今其跡尙存。然或爲人所散亂。及夏水浸沒。水退如故。

武侯墓

武侯墓在定軍山下。武侯遺命葬此。因山爲墳。冢足容棺。鍾會至漢川。禁軍士不得於墓側採樵。

九 興安

興安古庸國地。在漢中府之東南。其城瀕於漢水南岸。北負秦嶺。南據巴山之脈。西扼峽風關。漢水曲折貫其間。浮漢而下。東出鄖襄。南通武漢。北走唐鄧。有高屋建瓴之勢。

十八盤山

十八盤山在石泉縣南五里。山峯亭亭。高出雲表。盤曲十八折。廻縈旋轉。始

達其巔。

禹穴

禹穴在洵陽縣東一百三十里。高八尺。深九尺。旁鑿禹穴二字。有泉味甚清冽。世傳禹決漢水時居此。

聖公館

聖公館在洵陽縣東。鷄鳴山之北。有聖公館。世傳後漢光武帝起義兵時。曾屯於此。

綺川亭

綺川亭在安康縣北土山上。亭臨清川。雜植名卉。春時花開。錦綺爛然。爲一方之勝景。

十 延安

延安爲春秋時白翟所居。秦屬上郡。漢初爲翟國。北魏爲東夏州。隋置延安

郡。宋改爲府。東枕黃河。西據橫嶺。洛川延水導源西北。斜貫東南。宋時防西夏。常設重兵於此。

嘉嶺山

嘉嶺山在膚施縣東南。峯巒層疊。形勢高峻。宋范文正公書嘉嶺山三字。鑄於石壁。

玉蓮池

玉蓮池在宜川縣北。舊丹州治內。廣數千頃。池中多種蓮。花開時潔白如玉。游屐頗盛。

萬佛洞

萬佛洞在膚施縣東北。太和山。其巔最高一峯。曰蓮花峯。上有萬佛洞。洞內鑄石佛萬餘。

飛蓋園

飛蓋園在膚施縣南三十五里。宋知州龐籍遊樂處。司馬光詩。軍中富餘暇。飛蓋城南隈。蓋籍治兵時所築也。

十一 綏德

綏德在延安府之東北。其城瀕於無定河西岸。地勢極高。中有雕山之秀峯。上插雲漢。及鳳宿嶺。高可摩天。東阻黃河。無定河挾大理河斜貫其間。東南流入於黃河。

烽臺山

烽臺山在清澗縣東二百步。一名東峯山。峯岫秀麗。岡巒園環。上有古烽墩。以防夷虜。

鳴咽泉

鳴咽泉在綏德州東五里。秦太子扶蘇自殺處。初。始皇命扶蘇北監蒙恬軍。及崩於沙邱。李斯、趙高、矯詔立胡亥。賜太子扶蘇死。扶蘇不察。卽自殺。唐胡

曾詩。至今谷口聲。嗚咽猶似當年恨。李斯。

月兒臺

月兒臺在綏德州北二里。臺高二丈餘。前臨清水。每歲中秋之夕。士大夫多携酒玩月於此。

种公井

种公井在清澗縣城內西隅。宋种世衡招工鑿井。至一百五十丈。下有石。工辭不可穿。世衡命屑石一畚。酬百錢。卒得泉。

十一 榆林

榆林據六盤山脈。自洛川之源迤東爲土門山。東北直抵黃河。北瞰河套。南蔽延綏。北宋防夏。以此爲重鎮。蒙古伐金。每自葭州渡河取延綏。明套匪常取道神木以犯邊云。

契吳山

契吳山在懷遠縣北。赫連勃勃遊行至此。歎曰。美哉此山。自馬嶺以北。大河以南。未之有也。

紅山墩

紅山墩在榆林縣北。山峽中有水從石穴流出。俗傳李繼遷葬其祖。墓在水穴中。

范老關

范老關在懷遠縣東南十里。相傳宋范仲淹嘗屯兵於此。關爲後人所築。因以爲名。范公鎮延安時。西夏人相戒曰。毋以延安爲意。范老子胸中自有數萬甲兵。其見畏於夷如此。

百花陽

百花陽在府谷縣城內。石晉後拆氏。世爲府州刺史。創此陽於郡圃。爲一方之勝景。

榆塞

榆塞在榆林縣東北。卽漢榆林舊塞也。或云樹榆爲塞。庾信詩。塞迥翻榆葉。關寒落雁毛。

邊牆

邊牆在榆林懷慶靖邊定邊四縣北。明余子俊擬築。東起清水營。西抵花馬池。延袤千七百七十餘里。皆鑿崖築牆。掘塹其下。連續不絕。每二十里置敵臺烽砦。爲巡警之所。

